

Boporofeta le Mangolo



SABATHA MANTSIBOEA

Bakeng sa thuto ea beke ena, bala:

Esa. 53:1–12; Dan. 7:13, 14; 2 Pet. 1:16–20; Matt. 17:1–6; 2 Tim. 3:15–17.

Temana ea Khopolo:

“Hape, re na le litaba tsa boporofeta, tse tiisitsoeng ka ho fetisisa, ’me le etsa hantle ha le lie la hloko, joalo ka lebone le bonesitsoeng n’galong e lefifi, ho fihlela meso e ba e hlaha, ’me naleli ea hosasa e chabela lipelong tsa lōna” (2 Petrose 1:19).

Ha re tsoela pele ho ithuta mangolo a Petrose, ntlha e le ’ngoe e lokela ho ba pele: Petrose o sebetse le ho tiea ha kae ho seo a se ngolang. Re ka bona se tšoanang ka Paulose: kholiseho e hlakileng le e tiileng ka seo ba se phatlalatsang malebana le Jesu Kreste le sefapano. Litemaneng tsa beke ena, re tla bona haholo bonnete ba sena ho Petrose. ’Me o boela a re bolella hore na hobaneng a na le tiisetso e joalo. Ha re lumele, o rialo, “litšomo tse entsoeng ka mano” (2 Pet. 1:16)—joalo ka tse etsang bolumeli ba bohetene ba nako ea bona. Ho e na le hoo, Petrose o ne a kholisehile ka seo a se lumetseng, ka mabaka a mabeli.

La pele, e ne e le paki e boneng ea “Morena Jesu Kreste” (2 Pet. 1:9). Empa la bobeli, ’me mohlomong la bohlokoa ka ho fetisisa (hobane boholo ba bang e ke ke eaba lipaki tse boneng), ke “litaba tsa boporofeta, tse tiisitsoeng ka ho fetisisa” (2 Pet. 1:19). Petrose hape o ea Bibeleng, a supa mangolong bakeng sa tiiso e itseng ea Jesu, haholo likarolo tsa boporofeta tse buang ka eena. Ha ho potang tsena ke likarolo tse ling tsa tseo Jesu a li supileng malebana le eena (Matt. 26:54, Luka 24:27). Joale haeba Jesu le Petrose ba nkile Bible ka tieo tjena, rona re ka etsa se fapaneng joang?

**Bala thutoea beke ena ho lokisetsa Sabatha, Phuptjane 3.*

Jesu Testamenteng ea Khale

Hohle liepistoleng tsa hae, Petrose o ngola tiiso. O tseba seo a buang ka sona hobane o tseba eo a buang ka eena. 'Me lebaka le leng ke hore o tseba Jesu ke eena eo baporofeta ba Testamente ea Khale ba mo supang. E bile ho tšepa lentsoe le ngoliloeng le o thusitseng ho tseba Lentsoe le “entsoeng nama” (Johanne 1:14). Ho 1 Petrose 1:10–12, Petrose o supa babali ba hae Bibeleng ea Se-Heberu, ho baporofeta ba khale, le seo ba se rutileng ka Jesu. Ho ea ka Petrose, Moea o Halalelang o ile oa senola ka Testamenteng ea Khale linnete tse bohlokoa ka Jesu: mahlomola a Kreste le khanya e tlang ho latela (1 Pet. 1:11). Likarolo tse na ka bobeli li ka fumanoa ka hare ho Bible e ea se-Heberu.

Litemana tsee 'moho li re ruta eng ka seo Testamente ea Khale e se porofetileng malebana le Jesu? Psalm 22; Esa. 53:1–12; Sak. 12:10, 13:7; Jer. 33:14, 15; Dan. 7:13, 14.

Ho 1 Petrose 1:10–12, Petrose o tiisetse babali ba hae hore ba kene sebakeng se khethelileng nalaneng ea topollo. Ho bona ho senotsoe se fetisang se neng se senoletsoe baporofeta ba khale. Baporofeta ruri ba buile nakong ea bona, empa likarolo tse bohlokoa tsa melaetsa ea bona e ne e ke ke ea phethahatsoa ho fihlela Kreste a fihla. Tse ling tsa tseo baporofeta ba li boletseng li ne li fetohile 'nete nakong eo babali ba Petrose ba neng ba phela. Babali bana ba ile ba khona ho utloa ho tsoa ho “ba neng ba beiloe basebetsi ba tseo le li behetsoeng joale ke ba le boeletseng evangeli, ka Moea o Halalelang o romiloeng o e-tsoa leholimong” linnete tseo le mangeloi a lakatsang ho li tseba (1 Pet. 1:12). Ka hore e be ba boleletsoe evangeli, batho ba ne ba tseba haholonyane ho feta baporofeta ba khale bonnete le semelo sa mahlomola a mopholosi le tlotlollo. E ruri, ba tla lokela ho ema, joalo ka rōna, “le khaynya e tlang ho ba latela” (1 Pet. 1:11). Ka karolo ea pele ea baporofeta boo e phethahetseng, re ka ba le tiisetso ka karolo ea bobeli hape.

Ke litšepiso life tsa Bible tseo u li boneng li phethahala bophelong ba hao? Ke life tseo u ntseng u li emetse, li bolela eng ho uena, 'me ke joang u ka ithutang ho tšoarella ho tsona ho sa tsotellehe hore na ho etsahala'ng?

Lipaki tse Boneng tsa Borena

Bala 2 Petrose 1:16–18. Ke bopaki bofe bo bong boo Petrose a reng o na le bona ka tumelo ea hae ho Jesu?

Ntle le lentsoe la boporofeta, Petrose e ne le paki e boneng ho tse ngata tseo a rutileng ka tsona. Bokreste, o rialo, ha bo fumanoe ho “litšomo tse etsoang ka mano” (2 Pet. 1:16), empa liketsahalong tsa sebele tse etsahetseng nalaneng—liketsahalo tseo ka boeena a li boneng. Lievangeling, Petrose o ne a le teng bakeng sa liketsahalo tse ngata bophelong le bosebeletsing ba Jesu. O ne a le teng therong, thutong, le mehlolong. Ho tloha mohlolong oa pele tlhapi (Luka 5:4–6) ho ea ho boneng Jesu Galelea ka mora tsoho ea hae (Johanne 21:15), Petrose e ne e le paki e boneng ea sohle se etsahetseng.

Ho 2 Petrose 1:17, 18, ke ketsahalo efe eo Petrose haholo a shebaneng le eona malebana le seo ka sebele a se boneng? Ke bohlokoa bo fe ba ketsahalo eo?

Petrose o qolla ketsahalo e le 'ngoe e khethehileng eo e leng paki ea eona: ponahalo e khanyang ea Jesu. Jesu o ne a nkile Petrose, Jakobo, le Johanne ho ea hlorong ea thaba e le ho ea rapela (Luka 9:28). Ha a le moo le bona a fetoha ba mo shebile. Sefahleho sa hae sa khanya, 'me liaparo tsa hae tsa phatsima (Matt. 17:2, Luka 9:29). Ha hlaha Moshe le Elia, 'me lentsoe le tsoang leholimong la re, “Enoa ke Mora oa ka ratoang, eo ke khahlisona ke eena” (Matt. 17:5). Petrose o ne a bone tse kholo nakong ea hae le Jesu; empa, ketsahalo ena e ithoma pele. E senola Jesu e le Mora oa Molimo, le hore nako ea hae lefatšeng e nkiloe ho latela morero oa Molimo, le hore o na le likamano tse khethehileng le Ntate. Le sohle seo Petrose a se boneng le seo a tla se bona, ketsahalo ena—e kenyeletsang “lentsoe leo, ha le theoha leholimog” (2 Pet. 1:18)—ke eona eo a shebanang le eona lengolong lena.

Nahana ka ketsahalo kapa liketsahalo tse siileng tšusumetso e tebileng bophelong ba hao le tumelo. E ne e le eng, e u amme joang, 'me e ntse e bolela eng ho uena le kajeno? Hobaneng o nahana hore e bile le tšusumetso eo e bileng le eona? Arolelana likarabo tsa hao ka Sabatha.

Naleli ea Hosasa Lipelong tsa Rōna

“Hape, re na le litaba tsa boporofeta, tse tiisitsoeng ka ho fetisisa, ’me le etsa hantle ha le lie la hloko, joalo ka lebone le bonesitsoeng nǎlong e lefifi, ho fihlela meso e ba e hlaha, ’me naleli ea hosasa e chabela lipelong tsa lōna” (2 Pet. 1:19).

Bala temana ena ka hloko. **Petrose o re ke eng e bohlokoa le ho rōna le kajeno?**

Mona, joalo ka ha re ka bona libakeng tse ngata ka Bibeleng (Gen. 1:4, John 1:5, Esa. 5:20, Ba-Efe. 5:8), karohano e-ea etsoa lipakeng tsa leseli le lefifi. Ho Petrose lentsoe la Molimo le khanya joalo ka leseli sebakeng se “lefifi” (ba bang ba toloka lentsoe lefifi hape e le “litšila,”). Ke ka hoo a hlakileng ka hore re hloka ho “ela hloko” leseli leo, ho le latela ho fihlela “meso e ba e hlaha ’me naleli ea hosasa e chabela lipelong [tša rōna].” Re libopua tse oeleng, tse phelang lefatšeng le oeleng le lefifi. Re hloka matla a fetisang a Molimo ho re ntša lefifing lena le ho re isa leseling, ’me leseli leo ke Jesu. Petrose o supa babali ba hae pakaneng. Ba bang ba lumela hore polelo “ho fihlela meso e ba e hlaha” e supa ho tleng la bobeli ha Jesu. Leha ruri seo e le tšepo ea rōna qetellong, khopolo ea “naleli ea meso” e hlahang lipelong tša lōna e utloahala e le ntho ea hang ho motho ka mong. “Naleli ea meso” e supa Jesu (Tšen. 2:28, 22:16). Ho chaba lipelong tša bona ho bonahala e ka ke ho tseba ka Jesu, ho tsitsa ho eena ka ho phethahala le ho ba le maiphehlelo a Kreste ea phelang maphelong a bona. Jesu ha e ea lokela ho ba feela ’nete ea thuto; o lokela ho ba khubu ea boteng ba rōna le mohloli oa tšepo le tumelo ea rōna. Joale Petrose o theha khokahano e hlakileng lipakeng tša ho ithuta lentsoe la Molimo le ho ba le maiphihlelo a pholosang le Jesu, “naleli ea meso.”

’Me ruri, leseli le khanyang la ho rōna, re tla le hasanyetsa ho ba bang. “Lefatše le lokela ho bonesoa ka khanya ea ’nete ea Molimo. Leseli le lokela ho khanyetsa mafatšeng ohle le bathong bohle. ’Me ke ho tsoa ho bao ba amohetseng leseli le lokelang ho khanya le tsoa teng. letsatsi-naleli e re hlahetse, ’me re lokela ho hasetsa mahlaseli a teng litseleng tša leng lefifing.” —Ellen G. White, *Christian Experience and Teachings of Ellen G. White*, p. 220.

Ke joang boithuto ba hao ba lentsoe bo u thusang ho tseba Jesu betere?

Lentsoe le Tiisitsoeng la Boporofeta

Bala 2 Petrose 1:19–21. Ke boporofeta bofe boo Petrose a buang ka bona? O bolela eng ha a re ha ho boporofeta bo itlhahetseng ka ho rata ha motho?

Ka ho tiisa hore Bokreste ha bo ea ipapisa le litšomo tse entsoeng ka mano (2 Pet. 1:16), Petrose o re fa nthla tse peli tsa bopaki: ea pele, lipaki tse boneng (2 Pet. 1:16–18); ea bobeli, boporofeta ba mangolo (2 Pet. 1:19–21), khan eo a e sebelisitseng pejana (1 Pet. 1:10–12). Petrose hape o bolela hore “ha ho boporofeta lengolong bo itlhahetseng ka ho itlhalosetsa ha motho” (2 Pet. 1:20). Ka rialo, Petrose ha a re thibele ho ithuta mangolo ka bo rōna. Seo se tla be se le hole le mehopolo ea ea itseng ho 1 Petrose 1:13, “itlameng matheka a likelello tsa lōna” kapa “lokisetsang likelello tsa lōna tšebetso”. Kapa ho boleloa ke ea khothalelitseng baporofeta ba khale ho batla se boleloang ke boporofeta boo bab o filoeng (1 Pet. 1:10).

Joale Petrose o ne a bolela eng? Kereke ea Testamente e Ncha e ile ea hola 'moho le ho ithuta 'moho. Bakreste e ne e le karolo ea lelapa le leholo (1 Ba-Kor. 12:12–14). 'Me Petrose mona o ne a hlokomelisa kakhlanong le boithuto boo ho hanoang leseli le le tsoang ho baena. Ka ho kopa-kopana le le ba bang re ka hola 'moho re le sechaba. Moea o sebetsa ka sechaba le motho ka mong. Leseli le ka arolelanao, la hlophisoa, le ho tebisoa. Empa ea sebetsang a le mong, a hana tlatsetso ea ba bang, o kotsing ea ho fihlela liqeto tse fosahetseng, haholo linthong tse kang boporofeta. Litemaneng tse latelang re fumana lebaka le letle bakeng sa Petrose hore a fane ka chebo ea hae. O ngolla Bakreste bao mahareng a bona ho nang le baporofeta le baruti ba bohata (2 Pet. 2:1). Petrose o ba khothaletsa ho tisa botoloki ba bona ba mangolo tataisong ea kereke. Ke batho ba ba kae ba khelohetseng pheteletsong le phosong hobane feela ba latotse ho utloa keletso ea sehlopha se tataisoang ke moea sa balumeli? E ne e le kotsi ka nako eo, 'me e ntse e le eona le kajeno.

Hobaneng hole bohlokoa ho bulehela boeletsi le keletso ea kereke ka kakaretso? Ka nako e tšoanang, ke lipheho life tsa hore na re lokela ho ipeha tlasa ba bang ha kae?

Lentsoe Maphelong a Rōna

Joalo ka ha re bone, Petrose o beile tiiso e khoholima mangolo a Halalelang. 2 Petrose 1:19–21 ke tiiso e matla ea bohlokoa ba Bibelet maiphelelong a Bokreste ba rōna le tšusumetsong ea leholimo ea mangolo. Ntlha ea hae e hlakile ho 2 Petrose 1:21. Bibelet ha se sehlahisoa sa thato ea botho, tlhaloso ea batho, joalo ka libuka tse ling. Ke buka e hlahisitsoeng ka matla a Moea o Halalelang o sebetsang ka “batho ba halalelang ba Molimo.”

Bala 2 Timothea 3:15–17. Ke joang litemana tsee li re thusang ho utloisisa tšebetso ea mangolo maphelong a rōna? Ke joang li chorisang 'nete ea 2 Petrose 1:19–21?

Ka mora ho hlokomelisa Timothea ka kotsi e mo tobileng le kereke, Paulose o fana ka tlhaloso e khutšoanyane ka bohlokoa ba mangolo. “Lengolo lohle le bululetsoeng ke Moea oa Molimo, le na le molemo oa ho ruta, oa ho kholisa, oa ho laea, le oa ho hōlisa ka khohlo ea ho loka” (2 Tim. 3:16). Ha re ke re shebe lintlah tsena tse tharo.

Thuto: li-Doctrine ke lithuto tsa kereke. Li bontša seo sehlopha se itseng se se lumelang lintlhang tse itseng tsa Bibelet tse bohlokoa Lentsoeng la Molimo. Hantle, doctrine ka 'ngoe e lokela hore khubu ea eona e be Krete, 'me ka 'ngoe e lokela ho re ruta se seng ho re thusa ho tseba hore na re phele joang tumellanog le “thato e phethehileng ea Molimo” (Ba-Roma 12:2).

Kholisa: Paulose o bolella Timothea hore mangolo a na le molemo oa ho kholisa, oa ho laea, le oa ho holisa ka khohlo ea ho loka” (2 Tim. 3:16). Petrose o etsa ntlha e tšoanang ha a re boporofeta mangolong bo joalo ka lebone le bonesitsoeng sebakeng se lefifi (2 Pet. 1:19). Ka mantsoe a mang, mangolo a fana ka tataiso ea ka moo re lokelang ho phela maphelo a rōna kateng le se lokileng le se fosahetseng. A susumelitsoe ke Moea o Halalelang, mangolo ha se letho ha e se thato eqa molimo e senotsoeng.

“Ho hlalefisetša ho bolokeha”: Ha a re mangolo a re “hlalefisetša ho bolokeha” (2 Tim. 3:15), Paulose o supa hore mangolo a re supa ho Jesu. Pholoho e hahiloe holima tumelo ea hore Jesu o shoetse libe tsa rōna.

Doctrine, boitšoaro, tsebo ea pholoho: ha ho makatse hore lentsoe la Molimo le joalo ka “joalo ka lebone le bonesitsoeng nģalong e lefifi, ho fihlela meso e ba e hlaha, 'me naleli ea hosasa e chabela lipelong tsa lōna” (2 Pet. 1:19).

Ho Ithuta Haholoanyane:

“Ke mosebetsi oa pele le o phahameng ho sebopuoa se seng le seng ho ithuta ho tsoa mangolong hore na ’nete ke eng, le ho tsamaea leseling le ho khothaletsa ba bang ho latela mohlala oa hae. Re lokela hore letsatsi ka leng re ithute Bible ka tieo, re leke mohopolo o mong le o mong, le ho bapisa lengolo le lengolo. Ka thuso ea leholimo re lokela ho haha maikutlo a rōna joalo ka ha re tla ikarabella ka pele ho Molimo. “Linnete tse senotsoeng ka ho hlaka Bibeleng li entsoe hore li belatse le ho ba lefifing ke barutehi, bao ka boikhakanyo ba bohlae, ba rutang hore mangolo a na le moelelo o thata, o patehileng, e seng ha bobebe joalo ka ha ho ngotsoe. Banna bana ke baruti ba bohata. E bile sehlopheng sa mofuta ona Jesu a ileng a phatlalatsa: ‘Na ho lahleha ha lōna ha se kahobane le sa tsebe mangolo, leha e le matla a Molimo na?’ Mareka 12:24. Puo ea Bible e lokela ho tolokoa ho ea ka bobebe ba moelelo oa teng, ntle le moo ho sebelisoeng papiso kapa setšoantšo. Kreste o fane ka tšepiso: ‘E kare ha motho a rata ho etsa thato ea hae, o tla tseba thuto.’ Johanne 7:17. Haeba batho ba ne ba ka nka Bible e le joalo, haeba ho ne ho se baruti ba bohata ho kholokothehisa le ferekanya likelello, mosebetsi o ne o tla phethoa o neng o tla thabisa mangeloi le ho tlisa ka sakeng likete tsa likete tsa bao ha joale ba lelerang phosong.”—Ellen G. White, *The Great Controversy*, pp. 598, 599.

Ho Ithuta Haholoanyane:

1. Ke metheo efe e meng e hloka halang ho fihlela kutloisiso e hlakileng ea mangolo?
2. Martin Luther o ile a ngola, “Mangolo ke leseli la oona.” Ka seo o ne a bolela hore ho na le tumellano ka hara Bible le hore karolo e ’ngoe e ka sebelisoa ho re thusa ho utloisisa likarolo tse ling. Ke mehlala efe ea motheo oo eo u ka e fumanang?
3. Ka sehlopheng shebang karabo ea hau ea potso ea Mantaha e buang ka ketsahalo kapa liketsahalo tse ammeng maiphelhelohelo a hao a Bokreste. Liketsahalo tseo li na le eng e tsoanang, haeba e teng? Ke’ng eo u ka ithutang maiphihlelong a ba bang?
4. Haeba motho emong a ne a ka u botsa hore na ke joang ho ithuta Bible ho matlafalitseng leeto la hao le Morena, karabo ea hao e ne e tla ba efe? Ke motheo ofe oo ithutileng ona maiphihlelong a hao a ho batla ho tseba Morena Jesu ka ho ithuta lentsoe la hae le ngotsoeng?

